

03 種花分人挽

林炤慧¹

真久以前，阮兜巷仔口有躡一个阿婆，伊生做足奇怪的，彼陣我猶細漢，心內想講這款的模樣應該是佇日本 *bàng-gà²* 才看會著，想袂到竟然會出現佇現實的生活當中。

阿婆的頭毛白蔥蔥，消瘦閣專皺痕的面容，予人寢看著的時有一點仔驚驚。因為濟歲矣，跤骨、手骨細細肢，瘦甲賄一重皮，身軀嘛已經隱痼甲強欲變做九十度，行路著愛托柺仔。若咧佒人講話的時，頭擔擔嘛才差不多佒我平懸爾。

就算按呢，阿婆嘛是袂堪得閒，無論透早我欲去讀冊，抑是欲暗仔時放學行過巷仔口，攏會看著伊佇厝跤的花園變東變西。有時掠蟲、有時薅草，甚至閣有才調搭菜瓜棚仔。伊定定一手擰柺仔、一手提水穀仔沃水，花園不時看會著開甲婧噹噹的花蕊和生甲 *tin-tin-tong-tong* 的菜瓜，三不五時閣有通送予厝邊隔壁，和阮都食有著呢！阿婆就是遮爾分張，莫怪伊佇社區裡人緣真好，久來我就袂記得拄看著伊的時彼款驚惶矣。

我對阿婆印象上深的是有一回，一个生份人經過伊的花園，鼻著一陣迷倒人的花芳味。彼个人目睭那巡手那雕樹仔檻，有遐久仔才去予伊 *phián* 著一蕊大大蕊的花，彼

就是轟動阮彼條巷仔的一樞花，叫做「五爪桃」。伊的花佢葉仔攏是青色的，外行人欲挽是真僂揣著伊，莫怪彼个人一下挽著花就歡頭喜面，也無問看花是啥人種的，無講無咀越頭就做伊走！這個情景真正路見不平，氣死閒人，我和阿母看袂做得就共阿婆講：「阿婆，有人共你偷挽花呢！」想袂到阿婆無寬無緊應阮講：「煩惱伊啊！種花分人挽，哪有要緊？」

阿婆的花園佇我不知不覺的日常沓沓仔失去光彩，芳貢貢的五爪桃嘛無聲無說消失去矣。我定定會想起伊送阮的菜瓜是遐爾仔甘甜；想起伊挽一蕊五爪桃予阮紮轉來厝裡，圓蹠客廳芳幾若工猶毋甘擲掉；想起伊對待每一个人攏是喙笑目笑、輕聲細說，莫怪人講送花的手會留落芳味。我想阿婆伊就是遮爾有腹腸，嘛用歡喜心做藥方才會當克服身體的病疼，活甲遐爾有尊嚴，遐爾予人數念！

¹林炤(Tsiau)慧

²閣唸做 *bàng-gah/kà/kah*

05 蟒蛇阿祖

曾菁怡¹

彼工欲暗仔，阮共一包猶未食了的鹹酥雞园佇桌頂，規家伙仔就出門去運動。轉來的時已經暗矣，看著桌頂彼包芳貢貢的鹹酥雞，隨閣感覺枵饑起來，想講來食一下仔啖糴咧，結果今仔共徙振動，幾若隻親像我尾指遐爾大的蟒蛇就對內底趨出來，動作猛掠對四面八方旋去。雖然規个過程干焦幾秒鐘，但是已經造成驚天動地的效果，我彼兩個阿姊吱吱叫的喝咻聲，強欲共厝頂掀開！

蟒蛇敢有遐恐怖？老實講，我對這種蟲豸有淡薄仔佩服。老師捌共阮講過，幾億年前，蟒蛇就佇咧地球生活，算起來會當講是活化石。毋過大多數的人對伊攏無恰意，可能伊紅紅扁扁的外表無真婧，閣愛無聲無說趨來趨去，兩枝鬚不時都撇咧撇咧，予人毋知伊咧想啥，嘛毋知伊繼落來會有啥物動作。猶閣有一步稜，蟒蛇是會飛的蟲豸，伊無親像蝶仔按呢飛起來若跳舞的仙女，予人看著心情就爽快，顛倒是像呸搵揀的檳榔粕按呢飛來飛去，予人看著就想欲提淺拖仔共敲落來。

阮兜干焦阮彼兩個阿姊驚蟒蛇，對個來講，指頭拇大的蟒蛇敢若是會食人的暴龍，逐甲個無地覬。有一擺阿姊的房間傳來 pin-pin-piàng-piàng 的聲，過無偌久就聽著個哀

爸叫母咧喝：「救人喔！救人喔！」我一下入去個房間，阿娘喂，規個房間若戰場咧！椅子、桌仔歪膏擲斜，課本、文具掖甲規塗跤，電風嘛毋知予啥物物件撼著，頭煞歪一爿。兩個阿姊枕頭搥牢咧倚佇眠床頂若釘根咧，目睭睭彼隻停佇壁堵的蟒蛇。蟒蛇的翼一下展開，阿姊個就開始吱吱叫，佇眠床頂跳來跳去。

我隨褪一跤淺拖仔，講：「免驚！我來救恁矣！」我共彼隻蟒蛇飛行的路線相準準，按算提淺拖仔共拍落來。毋過伊敢若知影我的心思，逐擺都早一步閃過我的攻擊。我舞甲怦怦喘，彼隻蟒蛇顛倒看著老神在在，敢會是咧對我耀武揚威？

落尾我心肝掠坦橫，相準準就提淺拖仔大力共擊過去，啥人知影，阮二姊哀一下講：「你哪會提淺拖仔共我擊啦？」

¹曾菁(Tsing)怡